

LUCKY TANK FARM
Na San Nicolas,
ta presenta
SORTEO CURACAO
9376
5311
9937

DOCTER NA WARD
Pariba di brug:
Dr.B.Britt-Croes.
Tel.48833 Centro Medi-
co San Nic.habri 24 ora
pa dia of via tel.24300
Pabao di brug:
Dr.B.Heinze.tel.24300 y
pa casonan di emergen-
cia por yama tel 115.

CENTRO MEDICO
CARABOBO
for di febr.19-25 febr.
Dra.N.Alvarez.tel.25050
of via tel 24300 page
238.

DOCTER PA MUCHA
for di febr.22-febr.28
Dr.Hart tel 27263 of via
hospital tel.24300.

BOTICA NA WARD
for di febr.20-febr.27
BOTICA ODUBER

Rudy Croes

Cont. di pag. 1

su preocupacion total pa e estragonan di droga y con mester combatie den un guera total y e enfasis cu mester ser poni ariba un labor politico di seriedad y contenido.

Ademas di Rudy Croes a hiba palabra tambe su tata, Don Pancho Croes, kende asina a endosa e candidatura di su yiu, y a ofrece de facto e apoyo di familia y e sosten di tur esnan cu a lucha huntu cu Betico pa un Aruba mihor.

Na dado momento por a sinti e nostalgia cu e ausencia di Betico a suscita den esnan presente; nostalgia cu luego a habri caminda pa expresionnan di un apoyo total na e candidatura di Rudy Croes, kende asina a inicia su carera den politica activo.

RUTA DI BUS PA
CENTRO KIBRAHACHA
DIAMARS y DIABIERN:
Maris Stella,Santa Cruz,Paviljoen,Centro Kibrahacha.
Start:Maris Stella pa 7.30.
Maris Stella,Savaneta,Sabana Basora,Rooi Frances,Sta.Cruz Club Estrella bai na man robez,Hooiberg,Morgenster, Cumana,Tarabana,Nassaust Luz di trafico Marathon bai na man drechi,MTS,Luz di trafico bai na man robez,Paviljoen,Sividivi,Sero Blanco, Sero Patrishi,Paradera,Piedra Plat,Centro Kibrahacha.
11.30:Mesun ruta bai bek.



Sr. Hildward Croes ta posa aki huntu cu su familia pa mustra e trofeonan cu el a gana den diferente concurso musical di Carnaval, entre otro pa e mihor composicion y areglo di Roadmarch di Carnaval 1988. Gradua cu Master Degree den un di e mihor conservatorionan di musica na Merca, Hildward a bin ta destaca sobremenera como arreglista y compositor. Di robez pa drechi por mira: Aldrich, Ada, Hildward, Maiki y Franklin Croes. Un caluroso pabien di parti di DIARIO pa e logronan aki, bon mereci, y cu ta indicativo di cosnan mas grandi ainda pa futuro.

Mayornan di Rudy

Cont. di pag. 3

Dios drama su bendicion ariba dje, spar e di tur peligro. Si e wordu elegi pa pueblo, pa e por sigui ehemplo di su ruman Betico, cu awe ta difunto, pa e por traha bon pa su pueblo stima y Aruba.

Tin un proverbio cu ta bisa: "El hombre que sigue su caballo debe saber por donde va". Esey ta palabranan di su mayornan, Don Pancho y Sra. Mimita, Sra. Ada su ruman y Sr. Maiki, esposo di Ada

y demas familia.

"Rudy lo bay sigui e ehemplo di su ruman, Betico, awe difunto, y e mester pidi semper e bendicion di Dios pa e por traha sinceramente pa e bienestar di su pueblo stima y di su isla stima, Aruba".

E tabata un entrevista breve cu Don Panchico, sigui pa un charla hopi mas prolonga ariba sucesonan di pasado, den cual e figura imponente di e gran Betico a surgi un y

otro biaha, a veces cu nostalgia, pero semper rondona pa un admiracion cu no a muri cune, sino cu a sigui crece y ta awe e testimonio mas grandi na honor di kende a skirbi e paginan mas glorioso den e historia politico di Aruba.

Awor e lo ser emula pa Rudy Croes, kende ta aparece cu mistica di trabao, di boluntad y di deseo sincero pa contribui na su pueblo y su isla.

Digna Lacle

Gobierno ta hiba hopi cautela den su negociacionan

ORANJESTAD(AAN)—Segun miembro di Staten pa AVP, Digna Lacle-Herrera, por a scucha Ministro Mansur duna algun informacion encunto desaroyo riba e asunto di exploracion di petroleo den nos awanan teritorial. Por a compronde cu te awor aki a trata riba ofrece diferente plots, pero cu a drenta oferta pa haci un bid ariba tur e plotnan den un solo pakete. Y ariba esaki Gobierno ta haciendo un estudio awor aki tambe. Speranza ta cu pa fin di luna lo ta asina leu cu despues cu a yama un comision central den Staten Aruba su Go-

bierno lo por bay over na pone e plotnan pa haya e bidnan cu sigur lo ta un contribucion grandi pa e economia.

Segun Lacle, Gobierno ta sumamente cauteloso den scohe e companianan pasobra aki ta trata di algo cu henter pueblo lo beneficio di dje.

Encuanto e acuerdo cu Exxon por sigura pueblo cu e team negociador a haci un bon trabao. Aki no ta trata di cu Aruba a bende algo sino cu Aruba ta haya algo.

Aparentemente cu tin hende ta cana rond cu duda cu si e negociadornan di Gobierno tin sufi-

ciente capacidad y si nan ta na altura di ley, otro manera bo no por splica e declaracionnan erroneo cu kier haci na pueblo. Cu tur siete ministro ta firma ta un bon cos, ya cu ta tur ta carga e mesun responsabilidad. E acuerdo riba un parti di e pakete ta un bon acuerdo, segun Digna Lacle-Herrera.

Santo Domingo

2401
2830
3268

Ron Sibonné
TA ANUNCIA
RESULTADO
SORTEO DI DIARIO
PROME PREMIO **1152** SEGUNDO PREMIO **4971** TERCER PREMIO **3544**
19 FEBRUARI 1988

SORTEO DI DIARIO
SORTEO POR SER PRESENCIA PA PUBLICO ANOCHI PA 9:30 NA OFICINA DI DIARIO Y TA SER TRANSMITI EN VIVO Y DIRECTO VIA RADIO CARINA FM.
PROME PREMIO **Fls.300**
SEGUNDO PREMIO **Fls.150**
TERCER PREMIO **Fls.50**
DIARIO
NUMBER: _____
ADRES: _____
Mi number di 4 cifra ta:
E coupon aki ta valido pa e sorteo di: **22 FEBRUARI 1988**
Deposita e COUPON aki na Oficina di DIARIO of na RADIO CARINA prome cu 6' or di atardi.
Si tin mas cu un ganador, e premio lo wordu parti.